

四庫全書

集部

欽定四庫全書

集部
玉臺新詠卷十九

詳校官中書臣陸 湘

助教_臣常循覆勘

總校官降調編修_臣 倉聖脉

校對官編修_臣 勵守謙

謄錄監生_臣 李經盛

欽定四庫全書

玉臺新詠卷九

梁武帝歌辭一首

梁元帝樂府一首

越人歌一首

司馬相如琴歌二首

烏孫公主歌詩一首

陳徐陵撰

漢成帝時童謠歌二首

漢桓帝時童謠歌二首

張衡四愁詩四首

秦嘉四言贈婦詩一首

魏文帝樂府燕歌行二首

曹植樂府妾薄命行一首

傅玄雜詩八首

張載擬四愁詩四首

晉惠帝時童謠歌一首

陸機樂府燕歌行一首

鮑照雜詩八首

釋寶月行路難一首

陸厥李夫人及貴人歌一首

沈約雜詩八詠四首

吳均行路難二首

張率雜詩四首

費昶行路難二首

梁簡文雜題一十二首

湘東王繹七言春別應令四首

蕭子顯雜詩七首

王筠行路難一首

劉孝綽元廣州景仲座見故姬一首

劉孝威擬古應令一首

徐君倩別義陽郡詩二首

王叔英妻贈答一首

沈約古詩題六首

梁武帝歌辭一首

東飛伯勞西飛鷺黃姑織女時相見誰家女兒對門居
開華發色照里閭南窻北牖挂明光羅帷綺帳脂粉香女兒年
幾十五六窈窕無雙顏如玉三春已暮花從風空留可憐與誰同

梁元帝樂府一首

河中之水向東流洛陽女兒名莫愁莫愁十三能織綺

十四采桑南陌頭十五嫁為盧家婦十六生兒字阿侯
盧家蘭室桂為梁中有鬱金蕙合香頭上金釵十二行
足下綵履五文章珊瑚挂鏡爛生光平頭奴子提履箱
人生富貴何所望恨不早嫁東家王

越人歌一首

并序

楚鄂君子脩者乘青翰之舟張翠羽之蓋榜拽越人悅之擁楫
而越歌以感鄂君歡然舉繡被而覆之其辭曰

今夕何夕褰舟中流今日與子同舟者木兮木有枝心悅君兮君不知

司馬相如琴歌二首

并序

司馬相如遊臨邛富人卓王孫有女文君新寡竊於壁
間窺之相如鼓琴歌挑之曰

鳳兮鳳兮歸故鄉遨遊四海求其皇時未通過無所將何悟今
夕昇斯堂有豔淑女在此方室邇人遐獨我傷何緣交頸為
鴛鴦其一皇兮皇兮從我棲得託字尾永為妃交情通體心和
諧中夜相從知者誰雙興俱起翻高飛無感我心使予悲其二

烏孫公主歌詩一首

并序

漢武元封中以江都王女細君為公主嫁與烏孫昆彌
至國而自治宮室歲時一再會言語不通公主悲愁自
作歌曰

吾家之嫁我兮天一方遠託異國兮烏孫王穹廬為室
兮毳為牆肉為食兮酪為漿常思漢土兮心內傷願為
飛黃鵠兮還故鄉

漢成帝時童謠歌二首

并序

漢成帝趙皇后名飛鸞寵幸冠於後宮常從帝出入時

富平侯張放亦稱佞幸為期門之遊故歌云張公子時
相見也飛鷺嬌妒成帝無子故云啄皇孫華而不實王
莽自云代漢者德土色尚黃故云黃雀飛鷺竟以廢死
故為人所憐者也

鷺鷥尾涎涎張公子時相見木門倉琅根鷺飛來啄皇
孫

桂樹華不實黃雀巢其顛昔為人所羨今為人所憐

漢桓帝時童謠歌二首

大麥青青小麥枯誰當獲者婦與姑丈夫何在西擊胡
吏買馬君具車請為諸君鼓隳胡

城上烏尾畢逋公為吏兒為徒一徒死百乘車車班班
至河間至河間姪女能數錢錢為室金為堂石上春
梁暉梁之下有懸鼓我欲擊之丞相怒

張衡四愁詩四首

一思曰我所思兮在泰山欲往從之梁父間側身東望
涕霑翰美人贈我金錯刀何以報之英瓊瑤路遠莫致

倚道遙何為懷憂心煩勞

二思曰我所思兮在桂林欲往從之湘水深側身南望
涕霑襟美人贈我金琅玕何以報之雙玉盤路遠莫致
倚惆悵何為懷憂心煩快

三思曰我所思兮在漢陽欲往從之隴阪長側身西望
涕霑裳美人贈我貂襜褕何以報之明月珠路遠莫致
倚踟躕何為懷憂心煩紆

四思曰我所思兮在鴈門欲往從之雪紛紛側身北望

涕霑巾美人贈我錦繡段何以報之青玉案路遠莫致
倚增歎何為懷憂心煩惋

秦嘉贈婦詩一首

四言

曖曖白日引曜西傾啾啾鷄雀羣飛赴楹皎皎明月煌
煌列星嚴霜悽愴飛雪覆庭寂寂獨居寥寥空室飄飄
帷帳熒熒華燭爾不是居帷帳焉施爾不是照華燭何
為

魏文帝樂府燕歌行二首

秋風蕭瑟天氣涼草木搖落露為霜羣鷺辭歸鴈南翔
念君客遊思斷腸慊慊思歸戀故鄉君為淹留寄他方
賤妾玆玆守空房憂來思君不可忘不覺淚下霑衣裳
援琴鳴弦發清商短歌微吟不能長明月皎皎照我牀
星漢西流夜未央牽牛織女遙相望爾獨何辜限河梁
別日何易會日難山川悠悠路漫漫鬱陶思君未敢言
寄聲浮雲往不還涕零雨面毀容顏誰能懷憂獨不歎
展詩清歌聊自寬樂往哀來摧肺肝耿耿伏枕不能眠

披衣出戶步東西仰看星月觀雲間飛鳥晨鳴聲可憐
留連顧懷不能存

曹植樂府妾薄命行一首

六言

日月既逝西藏更會蘭室洞房華鏗步障舒光皎若日
出扶桑促樽合坐行觴主人起舞盜盤能者冗觸別端
騰觚飛爵闌干同量等色齊顏任意交屬所歡朱顏發
外形蘭袖隨禮容極情妙舞仙仙體輕裳解履遺絕纓
俛仰笑喧無呈覽持佳人玉顏齊接金爵翠盤手形羅

袖良難腕弱不勝珠環坐者歎息舒顏玉巾裛粉君傍
中有霍納都梁鷄舌五味雜香進者何人齊姜思重愛
深難忘召延親好宴私但歌栝來何遲客賦既醉言歸
主人稱露未晞

傅玄擬北樂府三首

歷九秋兮三春分遺貴客兮遠賓顧多君心所親乃命
妙妓才人炳若日月星辰其一序金罍兮玉觴賓主遽起
鴈行栝若飛電絕光交觴接卮結裳慷慨歡笑萬方其二

奏新詩兮夫君爛然虎變龍文渾如天地未分齊謳楚

舞紛紛歌聲上激青雲三其窮八音兮異倫竒聲靡靡每

新微笑素齒丹唇逸響飛薄梁塵精爽眇眇入神四其坐

咸醉兮沾歡引樽促席臨軒進爵獻壽翻翻千秋要君

一言願愛不移若山五其君恩愛兮不竭譬若朝日夕月

此景萬里不絕長保初醮結髮何憂坐生胡越六其攜弱

手兮金鏤上遊飛閣雲間穆若鴛鳳雙鸞還幸蘭房自

安娛心極樂難原七其樂既極兮多懷感時忽逝若頽寒

暑革御景回春榮隨風飄摧感物動心增哀八其妾受命

兮孤虛男兒隨地稱姝女弱難存若無骨肉至親更疏

奉事他人託軀九其君如影兮隨形賤妾如水浮萍明月

不能常盈誰能無根保榮良時冉冉代征十其顧繡領兮

含暉皎日回光側微朱華忽爾漸衰影欲捨形高飛誰

言往思可追十一其薺與麥兮夏零蘭桂踐霜逾馨祿命懸

天難明委心結意丹青何憂君心中傾十二其 歷九秋篇

董桃行

車遙遙兮馬洋洋追思君兮不可忘君安遊兮西入秦
願為影兮隨君身君在陰兮影不見君依光兮妾所願

車遙遙篇

燕人美兮趙女佳其室則邇兮限層崖雲為車兮風為
馬玉在山兮蘭在野雲無期兮風有止思心多端兮誰
能理 燕人美篇

傅玄擬四愁詩四首

并序 盤
中詩附後

昔張平子作四愁詩體小而俗七言類也聊擬而作之

名曰擬四愁詩其辭曰

我所思兮在瀛洲願為雙鵠戲中流牽牛織女期在秋
山高水深路無由慙余不遘嬰殷憂佳人貽我明月珠
何以要之比目魚海廣無舟悵勞勗寄言飛龍天馬駒
風起雲披飛龍逝驚波滔天馬不屬何為多念心憂世

一其

我所思兮在珠崖願為比翼浮清池柔剛合德配二儀
形影一絕長別離慙余不遘情如攜佳人貽我蘭蕙草

何以要之同心鳥火熱水深憂盈抱中以琬琰夜光寶
卞和既沒玉不察存若流光忽電滅何為多念獨蘊結

其二

我所思兮在崑山願為鹿麇闕虞淵日月回曜照景天
參辰曠隔會無緣慙余不邁罹百艱佳人貽我蘇合香
何以要之翠鴛鴦懸度弱水川無梁申以錦衣文繡裳
三光騁邁景不留鮮矣民生忽如浮何為多念祇自愁

其三

我所思兮在朔方願為飛鴈俱南翔煥乎人道著三光
胡越殊心生異鄉慙余不邁罹百殃佳人貽我羽葆纓
何以要之影與形增冰憂結繁華零申以日月指明星
星辰有翳日月移駕馬哀鳴慙不馳何為多念徒自虧

其四

山樹高鳥鳴悲泉水深鯉魚肥空倉雀常苦飢吏人婦
會夫希出門望見白衣謂當是而更非還入門中心悲
北上堂西入階急機絞杼聲催長歎息當語誰君有行

妾念之出有日還無期結巾帶長相思君忘妾天知之
妾忘君罪當治妾有行宜知之黃者金白者玉高者山
下者谷姓為蘇字伯玉作人才多智謀足家居長安身
在蜀何惜馬嘯歸不數羊肉千斤酒百斛令君馬肥麥
與粟今時人智不足與其書不能讀當從中央周四角
盤中詩一首

張載擬四愁詩四首

我所思兮在南巢欲往從之巫山高登崖遠望涕泗交

我之懷矣心傷勞佳人貽我筒中布何以贈之流黃素
願因飄風超遠路終然莫致增想慕

我所思兮在朔涓欲徃從之白雪霏登崖永眺涕泗頽
我之懷矣心傷悲佳人遺我雲中翮何以贈之連城壁
願因歸鴻起遐隔終然莫致增永積

我所思兮在隴原欲徃從之隔泰山登崖遠望涕泗連
我之懷矣心傷煩佳人遺我雙角端何以贈之雕玉環
願因行雲超重巒終然莫致增永歎

我所思兮在營州欲往從之路阻脩登崖遠望涕泗流
我之懷矣心傷憂佳人遺我綠綺琴何以贈之雙南金
願因流波超重深終然莫致增永吟

晉惠帝時童謠歌一首

鄴中女子莫千妖前至三月抱胡腰

陸機樂府燕歌行一首

四時代序逝不追寒風習習落葉飛蟋蟀在堂露盈階
念君遠遊常苦悲君何緬然久不歸賤妾悠悠心無違白

日既沒明鐙輝寒禽赴林匹鳥棲雙鳩關關宿河湄憂
來感物涕不晞非君之念思為誰別日何早會何遲

鮑照雜詩八首

淮南王好長生服食鍊氣讀仙經琉璃藥盃牙作盤金
鼎玉匕合神丹合神丹戲紫房紫房彩女弄明璫鸞歌
鳳舞斷君腸

朱城九門門九開願逐明月入君懷入君懷結君珮怨
君恨君恃君愛築城思堅劔思利同威同衰莫相棄

代淮南王二首

朱唇動素腕舉洛陽少年邯鄲女古稱綠水今白紵催
弦急管為君舞窮秋九月荷葉黃北風驅鴈天雨霜夜
長酒多樂未央

春風澹蕩使思多天色淨綠氣妍和桃含紅萼蘭紫牙
朝日灼爍發園花卷櫳結帷羅玉筵齊謳秦吹盧女弦
千金顧笑買芳年 代白紵歌辭二首

中庭五株桃一株先作花陽春妖冶二三月從風簸蕩落

西家西家思婦見之惋零淚霑衣撫心歎初送我君出
戶時何言淹留節回換牀席生塵明鏡垢織腰瘦削髮
蓬亂人生不得常稱意惆悵徙倚至夜半

剗藥染黃絲黃絲歷亂不可治昔我與君始相值爾時
自謂可君意結帶與我言死生好惡不相置今日見我
顏色衰意中錯漠與先異還君玉釵瑤瑁簪不忍見之
益悲思

奉君金卮之酒盃瑤瑁玉匣之雕琴七彩芙蓉之羽帳

九華蒲萄之錦衾紅顏零落歲將暮寒花宛轉時欲沈
願君裁悲且減思聽我抵節行路吟不見柏梁銅雀上
寧聞古時清吹音

璿闈玉墀上椒閣文窓繡戶垂綺幕中有一人字金蘭
被服織羅蒨芳霍春鶯差池風散梅開帷對影弄禽雀
含歌攬淚不能言人生幾時得為樂寧作野中雙飛鳧
不願雲間別翅鶴 行路難四首

釋寶月行路難一首

君不見孤鴈關外發酸嘶度楊越空城客子心腸斷幽
閨思婦氣欲絕凝霜夜下拂羅衣浮雲中斷開明月夜
夜遙遙徒相思年年望望情不歇寄我匣中青銅鏡倩
人為君除白髮行路難行路難夜聞南城漢使度使我
流淚憶長安

陸厥李夫人及貴人歌一首

屬車挂席塵豹尾香烟滅彤殿向蘼蕪青蒲復委絕坐
委絕對蘼蕪臨丹階泣椒塗寡鶴羈雌飛且上雕梁翠

壁網蜘蛛洞房明月夜對此淚如珠

沈約雜詩八詠四首

望秋月秋月光如鍊照曜三爵臺徘徊九華殿九華瑋
瑁梁華榱與壁璫以茲雕麗色持照明月光凝華入黼
帳清暉懸洞房先過飛鷺戶却照班姬牀桂宮裊裊落
桂枝寒露淒淒凝白露上林晚葉颯颯鳴鴈門早鴻離
離度湛秀質兮似規委清光兮如素照愁軒之蓬影映
金階之輕步居人臨此笑以歌別客對之傷且慕經衰

圃映寒叢凝清夜帶秋風隨庭雪以偕素與池荷而共
紅臨玉墀之皎皎含霜靄之濛濛輔天衢而徒步輾長
漢而飛空隱巖崖而半出隔帷幃而纔通散朱庭之奕
奕入青瑣而玲瓏閒階悲寡鵠沙州怨別鴻昭姬泣胡
殿明君思漢宮余亦何為者淹留此山東 望秋月

臨春風春風起春樹遊絲暖如網落花零似霧先泛天
淵池還過細柳枝蜨逢飛搖颺鷺值羽差池揚桂旆動
芝蓋開燕裾吹趙帶趙帶飛參差燕裾合且離回簪復

轉黛顧步惜容儀容儀已炤灼春風復回薄氛氲桃李
花青杼含素萼既為風所開復為風所落搖綠蒂杭紫
莖舞春雪雜流鶯曲房開兮金鋪響金鋪響兮妾思驚
梧桐未陰淇川如碧迎行雨於高唐送歸鴻於碣石經
洞房響紉素感幽閨思帷帟想芳園可以遊念蘭翹兮
漸堪摘拂明鏡之冬塵解羅衣之秋襞既鏗鏘以動珮
又氛氲而流麝始搖蕩以入閨終徘徊而緣隙鳴珠簾
於繡戶散芳塵於綺席是時悵思婦安能久行役佳人

不在茲春風為誰惜
臨春風

蘭葉參差桃半紅
飛芳舞縠戲春風
翡翠羣飛飛不息
願在雲間長比翼
春日白紵曲一首

白露欲凝草已黃
金瑄玉柱響洞房
雙心一影俱回翔
吐情寄君君莫忘
秋日白紵曲一首

吳均行路難二首

君不見上林苑中客
冰羅霧縠象牙席
盡是得意忘言者
探腸見膽無所惜
白酒甜鹽甘如乳
綠觴皎鏡華如

碧少年持名不肯嘗安知白駒應過隙博山鑪中百和
香鬱金蘇合及都梁逶迤好氣佳容貌經過青瑣歷紫
房已入中山陰后帳復上皇帝班姬牀班姬失寵顏不
開奉帝供養長信臺日暮耿耿不能寐秋風切切四面
來玉階行路生細草金鑪香炭變成灰得意失意須臾
頃非君方寸逆所裁

洞庭水上一株桐經霜觸浪困嚴風昔時榴心曜白日
今旦臥死黃沙中洛陽名工見咨嗟一剪一刻作琵琶

白壁規心學明月珊瑚映面作風花帝王見賞不見忘
提攜把握登建章掩抑摧藏張女彈殷勤促柱楚明光
年年月月對君子遙遙夜夜宿未央未央彩女弄鳴篳
爭見拂拭生光儀茱萸錦衣玉作匣安念昔日枯樹枝
不學衡山南嶺桂至今千年猶未知

張率雜詩四首

長相思久離別美人之遠如雨絕獨延佇心中結望雲
去去遠望鳥飛飛滅空望終若斯珠淚不能雪

長相思久別離所思何在若天垂鬱陶相望不得知玉
階月夕映羅帷羅帷風夜吹長思不能寢坐望天河移

擬樂府長相思二首

歌兒流唱聲欲清舞女趁節體自輕歌舞並妙會人情
依弦度曲婉盈盈揚蛾為態誰目成

妙聲屢唱輕體飛流津染面散芳菲俱動齊息不相違
令彼嘉客澹忘歸時久翫夜明星稀 白紵歌辭二首

費昶行路難二首

君不見長安客舍門倡家少女名桃根貧窮夜紡無燈
燭何言一朝奉至尊至尊離宮百餘處千門萬戶不知
曙惟聞啞啞城上烏玉欄金井牽鹿盧丹梁翠柱飛屠
蘇香薪桂火炊彫胡當年翻覆無常定薄命為女何必

麋麋

君不見人生百年如流電心中堦壕君不見我昔初入
椒房時詎減班姬與飛鸞朝踰金梯上鳳樓暮下瓊鉤
息鸞殿柏臺晝夜香錦帳自飄颺笙歌膝上吹琵琶陌

上桑過蒙恩所賜餘光曲霑被既逢陰后不自專復值
程姬有所避黃河千年始一清微軀再逢永無議蛾眉
偃月徒自妍傳粉施朱欲誰為不如天淵水中鳥雙去
雙歸長比翅

梁簡文雜題一十二首

芙蓉作船絲作紵北斗橫天月將落采蓮渡頭礙黃河
郎今欲渡畏風波

浮雲似帳月成鈎那能夜夜南陌頭宜城醴酒今行熟

停鞍繫馬暫棲宿

青牛丹轂七香車可憐今夜宿
倡家倡家高樹烏欲棲
羅帷翠帳向君低

織成屏風銀屈膝朱唇玉面鐙
前出相看氣息望君憐
誰能含羞不自前
烏棲曲四首

雲中亭幃羽檄驚甘泉烽火通
夜明貳師將軍新築營
嫖姚校尉初出征復有山西將
絕世受雄名三門應遁
甲五壘學神兵白雲隨陣色蒼
山答鼓聲麗迤觀鵝翼

參差鴈行先平小月陣却滅大宛城善馬還長樂黃
金付水衡小婦趙人能鼓瑟侍婢初笄解鄭聲庭前桃
花飛已合必應紅妝起見迎 雜句從軍行一首

別觀蒲萄帶實垂江南豈惹生連枝無情無意猶如此
有心有恨徒別離

蜘蛛作絲蒲帳中芳草結葉當行路紅臉脉脉一生嗔
黃鳥飛飛有時度故人雖故昔經新新人雖新復應故
可憐淮水去來潮春隄楊柳覆河橋淚跡未燦詎終朝

行聞玉珮已相要

桃紅李白若朝莊
羞持憔悴比新楊
不惜暫住君前死
愁無西國更生香
和蕭侍中子顯春別四首

蜨黃花紫鶯相追
楊低柳合路塵飛
已見垂鉤挂綠樹
誠知淇水霑羅衣
兩童夾車問不已
五馬城南猶未歸
鶯曉春欲駛無為
空掩扉
雜句春情一首

窺紅對鏡斂雙眉
含愁拭淚坐相思
念人一去許多時
眼語笑靨迎來情
心懷心想甚分明
憶人不忍語銜恨

獨吞聲 擬古一首

朝日斜來照戶春
鳥爭飛出林片光
片影皆麗一聲一
轉煎心上林紛紛
花落淇水漠漠苔
浮年馳節流易盡
何為忍憶含羞 倡樓怨節一首

湘東王春別應令四首 七言

昆明夜月光如練
上林朝花色如霞
花朝月夜動春心
誰忍相思不相見

試看機上文龍錦
還瞻庭裏合歡枝
映日通風影朱幔

飄花拂葉度金池不聞離人當重合惟悲合罷會成離
門前楊柳亂如絲直置佳人不自持適言新作裂紈詩
誰悟今成織素辭

日暮徙倚渭橋西正見涼月與雲齊若使月光無近遠
應照離人今夜曉

蕭子顯雜詩七首

翻鶯度鶯雙比翼楊柳千條共一色但看陌上攜手歸
誰能對此空中憶

幽宮積草自芳菲黃鳥芳樹情相依爭風競日常聞響
重花疊葉不通飛當知此時動妾思慙使羅袂拂君衣
江東大道日華春垂楊挂柳埽輕塵淇水昨送淚霑巾
紅妝宿昔已應新

銜悲攬涕別心知桃花李色任風吹本知人心不似樹
可意人別似花離 春別四首

握中酒柸瑪瑙鍾裾邊雜珮琥珀龍欲持寄君心不惜
共指三星今何夕

淚黛紅輕點花色還欲令人不相識金壺夜水誰能多
莫持賒用比懸河 樂府烏棲曲應令二首

風光遲舞出青蘋蘭條翠鳥鳴發春洛陽梨花落如雪
河邊細草細如茵桐生井底葉交枝今看無端雙鷺離
五重飛樓入河漢九華閣道暗清池遙看白馬津上吏
傳道黃龍征戍兒明月金光徒照妾浮雲玉葉君不知
思君昔去柳依依至今八月避暑歸明珠蠶繭勉登機
鬱金香蕊特香衣洛陽城頭鷄欲曙丞相府中烏未飛

夜夢征人縫狐貉私憐織婦裁錦緋吳刀鄭綿絡寒閨
夜被薄芳年海上水中鳧日暮寒夜空城雀 燕歌行

王筠行路難一首

千門皆閉夜何央百憂俱集斷人腸探揣箱中取刀尺
拂拭機上斷流黃情人逐情雖可恨復畏邊遠乏衣裳
已縲一繭催衣縷復擣百和裛衣香猶憶去時腰大小
不知今日身短長衲襦雙心共一袂相複兩邊作八襪
襪帶雖安不忍縫開孔裁穿猶未達胷前却月兩相連

本照君心不照天願君分明得此意勿復流蕩不如先
含悲含怨判不死封情忍思待明年

劉孝綽元廣州景仲座見故姬一首

留故夫不峙嶠別待春山上相看采藤蕪

劉孝威擬古應教一首

雙棲翡翠兩鴛鴦巫雲落月乍相望誰家妖冶折花枝
蛾眉慢睇使情移青鋪綠瑣琉璃扉瓊筵玉筍金鏤衣
美人年幾可十餘含羞轉笑斂風裾珠丸出彈不可追

空畱可憐持與誰

徐君倩別義陽郡二首

翔鳳樓遙望與雲浮
歌聲臨樹出舞影入江流
葉落看邨近天高應向秋

飭面亭莊成更點星
頰上紅疑淺眉心黛不青
故畱殘粉絮挂看箔簾釘

王叔英婦贈答一首

妝鉛點黛拂輕紅
鳴環動珮出房櫳
看梅復看柳淚滿

春衫中

沈約古詩題六首

慙衰草衰草無容色憔悴荒徑中寒荻不可識昔時兮
春日昔日兮春風含華兮佩實垂綠兮散紅氛氳鳩鵲
右照曜望仙東送歸顧暮泣淇水嘉客淹留懷上官巖
陬兮海岸冰多兮霰積爛漫兮客根攢幽兮寓隙布綿
密於寒臯吐纖疎於危石旣惆悵於君子倍傷心於行
役露高枝於初旦霜紅天於始夕彫芳卉之九衢竇靈

茅之三春風急峭道難秋至客衣單既傷檐下菊復悲
池上蘭飄落逐風盡方知歲早寒流螢暗明燭鴈聲斷
纔續萎絕長信宮蕪穢丹墀曲霜奪莖上紫風銷葉中
綠山變兮青薇水折兮平葦秋鴻兮疏引寒鳥兮聚飛
逕荒寒草合桐長舊巖圍夜漸蘼蕪沒霜露日霑衣願
逐晨征鳥薄暮共西歸 歲暮愍衰草

悲落桐落桐早霜露驚至葉未搗鴻來枝已素本出龍
門山長枝仰刺天上峯百丈絕下趾萬尋懸幽根已盤

結孤株復危絕初不照光景終年負霜雪白顧無羽儀
不願生曲池芬芳本自乏華實無可施匠者特畱眎王
孫少見之分取生孤杵徙置北堂垂宿莖搗晚幹新葉
生故枝故枝雖遼遠新葉頗離離春風一朝至榮戶坐如
斯自惟良菲薄君恩徒照灼顧已非嘉樹空用憑阿閣
願作清廟琴為舞雙玄鶴薜荔可為裳文杏堪作梁勿
言草木賤徒照君末光末光不徒照為君含噉眺陽阿
綠水弦陰枝苦寒調厚德非可任敢不虛其心若逢陽

春至吐綠照清潯 霜來悲落桐

聞夜鶴夜鶴叫南池對此孤明月臨風振羽儀伊吾人之菲薄無賦命之天爵抱跼促之長懷隨春冬而哀樂愍海上之驚鳧傷雲間之離鶴離鶴昔未離近發天北垂忽值疾風起暫下昆明池復值冬冰合水宿非所宜欲留不可住欲去飛已疲勢逐疾風舉求溫向衡楚復值南飛鴻參差共成侶海上多雲霧蒼茫失洲嶼自此別故羣獨向瀟湘渚故羣不離散相依滄海畔夜止羽

相切晝飛影相亂刷羽共浮沈湛澹泛清潄既不得離
別安知慕侶心九冬霜雪苦六翮飛不任且養凌雲翅
俛仰弄清音所望浮邱子旦夕來見尋 夕行聞夜鶴
聽曉鴻曉鴻度將旦跨弱水之微瀾發成山之遠岸怵
春歸之未幾驚此歲之云半出海漲之蒼茫入雲塗之
杳漫無東西之可辨孰遐邇之能算微昔見於洲渚赴
秋期於江漢集勁風於弱軀負重雪於輕翰寒谿可以
飲荒臯可以竄谿水徒自清微容豈足翫秋蓬飛兮未

極寒草萎兮無色楚山高兮杳難度越水深兮不可測
美明月之馳光願征禽之騁翼伊余馬之屢懷知吾行
之未極夜綿綿而難曉愁參差而盈臆望山川恚無以
惟星河猶可識聞鴈夜南飛客淚夜霑衣春鴻思暮反
客子方未歸歲去驩娛盡年來容貌非攬衽形雖是撫
臆事多違青蒲雖長復易解白雲誠遠詎難依 晨征

聽曉鴻

去朝市朝市深歸暮辭北纓而南徂浮東川而西顧逢

天地之降祥值日月之重光伊當仁之菲薄非余情之
信芳克待詔於金馬奉高宴於柏梁觀鬪獸於虎圈望
宵窵於披香遊西園兮登銅爵舉青瑣兮眺重陽講金
華兮議宣室晝武帷兮夕文昌佩甘泉兮履五柞贊朽
楛兮紱承光託後車兮侍華幄遊勃海兮泛清漳天道
有盈缺寒暑遞炎涼一朝賣玉琬眷眷惜餘香曲池無
復處桂枝亦銷亡清廟徒肅肅西陵久茫茫薄暮余多
幸嘉運重來昌忝稽郡之南尉曲千里之光貴別北荒

於濁河戀橫橋於清渭望前軒之早桐對南階之初卉
非余情之屢傷寄茲焉兮能慰眷昔日兮懷哉日將暮
兮歸去來 解珮去朝市

守山東山東萬嶺鬱青蔥兩谿共一寫水潔望如空岸
側青莎被巖間丹桂叢上瞻旣隱軫下睇亦溟濛遠林
響咆獸近樹聒鳴蟲路帶若谿右澗吐金華東萬仞倒
危石百丈注懸叢掣曳瀉流電奔飛似白虹洞井含清
氣漏穴吐飛風玉竇膏滴瀝石乳室空籠峭崿塗彌險

崖岨步纔通余捨平生之所愛歎暮年而逢此願一去
而不還恨鄒衣之未褫揖林壑之清曠事氓俗之紛詭
幸帝德之方升值天網之未毀既除舊而布新故化民
而俗徙播趙俗以南徂扇齊風以東靡乳雉方可馴流
蝗庶能弭清心矯世濁儉政革民侈秩滿撫白雲淹留
事芝髓 被褐守山東

玉臺新詠卷九

欽定四庫全書

玉臺新詠卷十

陳 徐陵 撰

古絕句四首

賈充與妻李夫人連句三首

孫綽情人碧玉歌二首

王獻之詩二首

桃葉答團扇歌三首

謝靈運谿中贈答二首

宋孝武詩三首

許瑤之詩二首

鮑令暉寄行人一首

近代西曲歌五首

近代吳歌九首

近代雜歌雜詩共四首

丹陽孟珠歌一首

錢唐蘇小歌一首

王元長詩四首

謝朓詩四首

虞炎有所思一首

沈約詩三首

施榮泰詠王昭君一首

高爽詩一首

吳興妖神贈謝府君覽一首

江洪詩七首

范靜婦詩三首

何遜詩五首

吳均雜絕句四首

王僧孺詩二首

徐悱婦詩三首

姚翻詩三首

王環代西豐侯美人一首

梁武帝二十七首

梁簡文雜題二十一首

蕭子顯二首

劉孝綽詩二首

庾肩吾詩四首

玉臺卿同蕭治中十詠二首

劉孝儀詩二首

劉孝威八絕初筓一首

江伯搖楚越衫一首

劉泓詠繁華一首

何曼才為徐陵傷妾一首

蕭驎詠昶復一首

紀少瑜詠殘鐙一首

王叔英婦暮寒絕句一首

戴嵩詠欲眠詩一首

劉孝威古體雜意一首

劉孝威詠佳麗一首

古絕句四首

藁砧今何在山上復有山何當大刀頭破鏡飛上天
日暮秋雲陰江水清且深何用通音信蓮花瑤瑁簪
菟絲從長風根莖無斷絕無情尚不離有情安可別
南山一樹桂上有雙鴛鴦千年長交頸歡愛不相忘

賈充與妻李夫人連句詩三首

室中是阿誰歎息聲正悲賈公歎息亦何為但恐大義虧

人夫

大義同膠漆匪石心不移賈公人誰不慮終日月有合離

人夫

我心子所達子心我亦知賈公若能不食言與君同所宜

人夫

孫綽情人碧玉歌二首

碧玉小家女不敢攀貴德感郎千金意慙無傾城色

碧玉破瓜時相為情顛倒感郎不羞難回身就郎抱

王獻之詩二首

桃葉復桃葉渡江不用楫但渡無所苦我自迎接汝
桃葉復桃葉連桃根相憐兩樂事獨使我殷勤
情人桃葉歌

桃葉答團扇歌三首

七寶畫團扇粲爛明月光與郎却暄暑相憶莫相忘
青青林中竹可作白團扇動搖郎玉手因風託方便
團扇復團扇持許自障面顏頰無復理羞與郎相見

謝靈運東陽谿中贈答二首

可憐誰家婦緣流洒素足明月在雲間苔苔不可得
可憐誰家郎緣流乘素舸但問情若為月就雲中墮

宋孝武詩三首

督護上征去儂亦思聞許願作石尤風四面斷行旅
黃河流無極洛陽數千里坎軻我途間何由見歡子

丁督護歌二首

自君之出矣金翠閣無精思君如日月回還晝夜生

擬徐幹詩一首

許瑤之詩二首

端木生河側因病遂成妍朝將雲髻別夜與蛾眉連

詠柗榴枕

昔如影與形今如胡與越不知行遠近忘去離年月

閨婦答隣人

鮑令暉寄行人一首

桂吐兩三枝蘭開四五葉是時君不歸春風徒笑妾

近代西曲歌五首

生長石城下開門對城樓
城中美年少出入見依投
石城樂

有客數寄書無信心相憶
莫作瓶落井一去無消息
估客樂

歌舞諸年少娉婷無踵跡
菖蒲花可憐聞名不曾識
烏夜啼

朝發襄陽城暮至大隄宿
大隄諸女兒花豔驚郎目

襄陽樂

甃出白門前楊柳可藏烏郎作沈水香儂作博山鑪

陽叛兒

近代吳歌九首

朝日照北林初花錦繡色誰能春不思獨在機中織

春歌

鬱蒸仲暑月長嘯北湖邊芙蓉如結葉拋豔未成蓮

夏歌

秋風入窻裏羅帳起飄颺
仰頭看明月寄情千里光
秋歌

淵冰厚三尺素雪覆千里
我心如松柏君心復何似
冬歌

黃葛結蒙籠生在洛谿邊
花落逐流去何見逐流還
前谿

留衫繡兩褱
迮置羅裳裏微步動輕塵
羅衣隨風起
上聲歌

遙遙天無柱流漂萍無根單身如螢火持底報郎恩
歡聞

紅羅複斗帳四角垂珠璫玉枕龍鬚席郎眠何處牀
長樂佳

柳樹得春風一低復一昂誰能空相憶獨眠度三陽
獨曲

近代雜歌三首

稽亭故人去九里新人還送一便迎兩無有暫時閒

尋陽樂

青荷蓋綠水芙蓉發紅鮮下有並根藕上生同心蓮

青陽歌曲

春蠶不應老晝夜常懷思何惜微軀盡纏綿自有時

蠶絲歌

近代雜詩一首

玉釧色未分衫輕似露腕舉袖欲鄣羞回持理髮亂

丹陽五珠歌一首

陽春二三月草與水同色道逢遊冶郎恨不早相識

錢唐蘇小歌一首

妾乘油壁車郎騎青驄馬何處結同心西陵松柏下

王元長詩四首

花蒂今何在示是林下生何當垂兩髻團扇雲間明

擬古

自君之出矣金鑪香不燃思君如明燭中宵空自煎

代徐幹

秋夜長復長
長夜長樂未央
舞袖拂明燭
歌聲繞鳳梁
秋夜

冰容慙遠鑒
水質謝明暉
是照相思夕
早望行人歸
詠火

謝朓詩四首

夕殿下珠簾
流螢飛復息
長夜縫羅衣
思君此何極
玉階怨

渠盈送佳人
玉柘要上客
車馬一東西
別後思今夕

金谷聚

綠草蔓如絲
雜樹紅英發
無論君不歸
君歸芳已歇

王孫遊

佳期期未歸
望望下鳴機
徘徊東陌上
月出行人稀

同王主簿有所思

虞炎有所思一首

紫藤拂花樹
黃鳥閒青枝
思君一歎息
苦淚應言垂

沈約詩三首

分首桃林岸送別峴山頭若欲寄音息漢水向東流
襄陽白銅鍤

殘朱猶曖曖餘粉上霏霏昨宵何處宿今晨拂露歸
早行逢故人車中為贈

影逐斜月來香隨遠風入言是定知非欲笑翻成泣
為隣人有懷不至

施榮泰詠王昭君一首

垂羅下椒閣舉袖拂胡塵唧唧撫心歎蛾眉誤殺人

高爽詩一首

長筵廣末同上客嬌難逼還栝了不顧回身正顏色

詠酌酒人

吳興妖神贈謝府君覽一首

玉釵空中墮金鈿色行歇獨泣謝春風孤夜傷明月

江洪詩七首

風生綠葉聚波動紫莖開含花復含實正待佳人來
白日 and 清風輕雲雜高樹忽然當此時采菱復相遇

采菱二首

潺湲復皎潔輕鮮自可悅橫使有情禽照影遂孤絕
塵容不忍飭臨池思客歸誰能取綠水無趣浣羅衣

綠水曲二首

嬌居憎四時況在秋閨內淒葉流晚暉虛庭吐寒菜
北牖風催樹南籬寒蛩吟庭中無限月思婦夜鳴砧

秋風二首

上車畏不妍顧盼更斜轉太恨畫眉長猶言顏色淺

詠美人治妝

范靜婦詩三首

早信丹青巧重貨洛陽師千金買蟬鬢百萬寫蛾眉
今朝猶漢地明旦入胡關高堂歌吹遠遊子夢中還
王昭君歎二首

輕鬢學浮雲雙蛾擬初月水激正落釵萍開理垂髮
映水曲

何遜詩五首

苑門闢千扇苑戶開萬扉樓殿間珠履竹樹隔羅衣
南苑

閨閣行人斷房櫳月影斜誰能北窓下獨對後園花
閨怨

鶯子戲還檐花飛落枕前寸君不見拭淚坐調絃
為人妾思

可聞不可見能重復能輕鏡前飄落粉琴上響餘聲
詠春風

竹葉響南窓月光照東壁誰知夜獨覺枕前雙淚滴
秋閨怨

吳均雜絕句四首

畫蟬已傷念夜露復霑衣昔別昔何道今令螢火飛
錦腰連枝滴繡領合歡斜夢中難言見終成亂眼花
蜘蛛檐下挂絡緯井邊嗥何當得見子照鏡窓東西
泣聽離夕歌悲銜別時酒自從今日去當復相思否

王僧孺詩二首

雪罷枝即青冰開水便綠復聞黃鳥聲全作相思曲

春思

日晚應歸去上客強盤桓稍知玉釵重漸覺羅襦寒

為徐僕射妓作

徐悱婦詩三首

長廊欣目送廣殿悅逢迎何當曲房裏幽隱無人聲
光宅寺

夕泣已非踈夢曉真太數惟當夜枕知過此無人覺

題甘蔗葉示人

兩葉雖為贈交情永未因同心處何限支子最關人
摘同心支子贈謝孃因附此詩

姚翻詩三首

臨妝欲含涕羞畏家人知還持粉中絮擁淚不聽垂
代陳慶之美人為詠

覺罷方知恨人心定不同誰能對角枕長夜一邊空
夢見故人

黃昏信使斷銜怨心悽悽回鐙向下榻轉面閨中曉
有期不至

王環代西豐侯美人一首

於今辭燕語方念泣離違無因從朔鴈一向黃河飛

梁武帝詩二十七首

秋月出中天遠近無偏異共照一光輝各懷離別思
邊戎詩

堂中綺羅人席上歌舞兒待我光泛灑為君照參差

詠燭

昔聞蘭蕙月獨是桃李年春心儻未寫為君照情筵

詠筆

柯亭有竒竹含情復抑揚妙聲發玉指龍音響鳳皇

詠笛

腕弱復低舉身輕由回縱可謂寫自歡方與心期共

詠舞

傾城非人美千載難屢逢雖懷軒中意媿無鬢髮容

連句詩

階上歌入懷庭中花照眼春心一如此情來不可限
蘭葉始滿地梅花已落枝持此可憐意摘以寄心知
朱日光素冰黃花映白雪折梅待佳人共道陽春月
春歌三首

江南蓮花開紅光覆碧水色同心復同藕異心無異
閨中花如繡簾上露如珠欲知有所思停織復時擘
玉盤著朱李金栝盛白酒雖欲持自新復恐不甘口

含桃落花日黃鳥營飛時君住馬已疲妾去蠶欲饑
夏歌四首

繡帶合歡炬錦衣連理文情懷入夜月含笑出朝雲
七彩紫金柱九華白玉梁但歌雲不去含情有餘香
吹蒲未可停絃斷當更續俱作雙絲引共奏同心曲
當信抱梁期莫聽回風音鏡上兩入髻分明無兩心

秋歌四首

恃愛如欲進含羞未肯前口朱發豔歌玉指弄嬌絃

朝日照綺錦光風動紈羅巧笑倩兩犀美目揚雙蛾
子夜歌二首

花色過桃杏名稱重金瓊名歌非下里含笑作上聲
上聲歌一首

豔豔金樓女心如玉池蓮持底報郎恩俱期遊梵天
南有相思木含情復同心遊女不可求誰能息空陰
歡聞歌二首

手中白團扇淨如秋團月清風任動生嬌香承意發

團扇歌一首

杏梁日始照蕙席歡未極
碧玉奉金栝綠酒助花色
碧玉歌一首

陌頭征人去閨中女下機
含情不能言送別霑羅衣
草樹非一香花葉百種色
寄語古情人知我心相憶
龍馬紫金鞍翠眊白玉羈
照燿雙闕下知是襄陽兒
襄陽白銅鞮歌三首

梁簡文雜題二十一首

被空眠數覺寒重夜風吹羅幃非海水那得度前知

寒閨

本自巫山來無人覩容色惟有楚王臣曾言夢相識
行雨

依帷濛重翠帶日聚輕紅定為歌聲起非關團扇風
梁塵

兔絲生雲夜蛾形出漢時欲傳千里意不照十年悲

華月

北斗闌干去夜夜心獨傷
月輝橫射枕鎊光半隱牀
夜夜曲

慙別兩成疑開簾生舊憶
都如未有情更似新相識
從頓還城南

客行祇念路相將度江口
誰知隄上人拭淚空搖手
春江曲

新禽應節歸俱向吹樓飛
入簾驚釧響來窓礙舞衣
新鷺

彈箏北窻下夜響清音愁張高絃易斷心傷曲不道
彈箏

錦幔扶船烈蘭橈拂浪浮去燭猶文水餘香尚滿舟
夜遣內人還後舟

頂分如兩髻簪長驗上頭捉栝如欲轉疑殘已復留
詠武陵王左右伍髡傳栝

可歎不可思可思不可見餘絃斷琴柱殘朱染歌扇
寂寂暮檐響黯黯垂簾色惟有翎甌苔如見跣蛛織

入林看碣磴春至定無賒何時一可見更得詠梅花
有所傷三首

遊戲長楊苑攜手雲臺間歡樂未窮已白日下西山
遊人

腰肢本獨絕眉眼特驚人判自無相比還來有洛神
絕句賜麗人

散誕垂紅帔斜柯挿玉簪可憐無有比恐許直千金
遙望

別來顛顛久他人怪容色只有匣中鏡還持自相識
愁閨照鏡

可憐片雲生整重復還輕欲使荆王夢應過白帝城

浮雲

綠葉朝朝黃紅顏日日異譬喻持相比那堪不愁思

寒閨

婉婉新上頭煎裙出樂遊帶前結香草鬟邊挿石榴

和人渡水

蕭子顯二首

金羈遊狹子綺機離思妾春度人不歸望花盡成葉

春閨思

二月春心動遊望桃花初回身隱日扇却步斂風裾

詠苑中遊人

劉孝綽詩二首

凌莖時繞釧權水或沾妝不辭紅袖濕惟憐綠葉香

遙見美人采荷

采菱非采菜日暮且盈舸峙嶂未敢進畏欲比殘桃
詠小兒采菱

庾肩吾詩四首

歌聲臨畫閣舞袖出芳林石城定若遠前谿應幾深
詠舞曲應令

故年齊總角今春半上頭那知夫壻好能降使君留
詠主人少姬應教

委翠似知節含芳如有情全由履跡少併欲上階生

詠長信宮中草

蘭臺上客至綺席清絃撫自作明君辭還教綠珠舞

石崇金谷妓

王臺卿同蕭治中十詠二首

空度高樓月非復三五年何須照牀裏終是一人眠

蕩婦高樓月

飲容送君別一飲無開時只應待相見還將笑解羞

南浦別佳人

劉孝儀詩二首

金鈿已照曜白日未蹉跎欲待黃昏後含嬌渡淺河

詠織女

蓮名堪百萬石性重千金不解無情物那得似人心

詠石蓮

劉孝威八絕初筓一首

合鬟仍昔髮略鬢即前絲從今一梳罷無復更縈時

和定襄侯

江伯搖八絕楚越衫一首

裁縫在篋笥薰鬢帶餘香
開看不忍著一見落千行

和定襄侯

劉泓詠繁華一首

可憐宜出衆的的最分明
秀媚開雙眼風流著語聲

何曼才為徐陵傷妾一首

遲遲衫掩淚憫憫恨縈
冑無復專房日猶望下山逢

蕭麟詠初復一首

的的金弦淨離離寶褊分纖腰非學楚寬帶為思君

紀少瑜詠殘鐙一首

殘鐙猶未滅將盡更揚輝惟餘一兩燄纔得解羅衣

王叔英婦暮寒一首

梅花自爛發百舌早迎春逾寒衣逾薄未肯壞腰身

戴嵩詠欲眠詩一首

拂枕熏紅帊回鐙復解衣傍邊知夜久不喚定應歸


劉孝威二首

朝日大風霜寄事是交傷葉落枝柯淨常自起暴張

古體雜意

可憐將可念可念直千金惟言有一恨恨不遂人心

詠佳麗



玉臺新詠卷十

玉臺新詠跋

右玉臺新詠集十卷幼時至外家李氏於廢書中得之
舊京本也宋夫一葉間復多錯謬版亦時有利者欲求
他本是正多不獲嘉定乙亥在會稽始從人借得豫章
刻本財五卷蓋至刻者中從故弗畢也又聞有得石氏
所藏錄本者復求觀之以補亡校脫於是其書復全可
繕寫夫詩者情之發也征戍之勞苦室家之怨思動於
中而形於言先王不能禁也豈惟不能禁且逆探其情

而著之東山秋杜之詩是矣若其他變風化雅謂豈無膏沐誰適為容終朝采綠不盈一掬之類以此集揆之語意未大異也顧其發乎情則同而止乎禮義者蓋以矣然其間僅合者亦一二焉其措詞託興高古要非後世樂府所能及自唐苗閒集已不足道而況近代挾邪之說號為以筆墨動搖者乎又自漢魏以來作者皆在馬多蕭統文選所不載覽者可以覩歷世文章盛衰之變云是歲十月旦日書其後永嘉陳玉文